

小方壺齋輿地叢鈔

小方壺齋輿地

叢鈔

光緒辛卯

張元方書



南清河王氏
所輯書之一

序

夏蟲不語冰井甃不語大足不出戶庭不語九垓八埏然則何爲而可者曰難言矣歷代疆寓延袤山川
阨塞類有文人辭士舟車過從抽妍騁秘以紀其土風物產形勢沿革如北征錄西使記益部談資溪蠻
叢笑真臘風土記瀛涯勝覽諸書尙已若漢竊唐元樊元楚材遠出絕域萬餘里或無紀載或傳會釋氏
牽連妄誕閱者胥焉明季江陰徐氏足迹徧天下紀遊之書高幾隱几幼妙峭絕實爲名筆我朝
龍興遼瀋遠邇悉臣一時金馬貴人從豹尾屬車從容載筆中樞內侍專閫大帥秉鉞邁征出使異微亦
抒所長詳記經歷他若國家肇基之所使臣蒞節之域騷人逸士所瀏覽幕宦寓公所造次大而征伐
綏撫小而聘問來往遠而衛藏新回疆近而土司苗蠻境旁及東偏諸與國內地山海之形勝外洋道里
之情勢實字五大洲之新奇詠詭靡不元元本本殫見洽聞如數掌螺如觀聚米無事陸輪水楫一開卷
間卽如身親其境亦無病寡陋焉余不學長益無所成就然聞人談遊事則色然喜閱諸家紀錄與夫行
程日記卽忻然而神往竊維局促園一隅深可慚慙因上溯國初下逮近代凡涉輿地備極搜羅得如
千種釐爲拾貳帙約數百萬言續有所獲仍逐次增入度諸座右旣以自怡並擬以公同好非敢縱談九
垓八埏也亦求免夏蟲井甃之誚爾是爲序

歲光緒丁丑夏五月朔南清河王錫祺壽萱甫識於小方壺齋

凡例廿六則

- 一辭章博麗攷據精詳此書擴見廣聞無藉藻飾稍爲刪節欲窺全豹具有原書
- 一撰述林立不名一家此書或錄其全或釋其要務歸簡潔不使閱者病確散焉
- 一彙刻叢編體例此書摭摭過多萬難盡一特加釐訂卷從其類以判後先
- 一輿地之學具有專家此書首輯總論繼以各說較易發明開卷朗然不煩繙述
- 一屬從殊恩發祥重地此書列第一帙以示尊崇餘各次第以華夏始以外洋終
- 一柿附懿親爪牙任寇此書列第二帙以示德威至奎武功鉅製鴻編雖更僕數
- 一西控強藩北聯勁敵此書列第三帙以示嚴防瓶遘丹巴界準碑石薄海之幸
- 一嶽瀆奧區山川勝境此書列第四帙以示淳雅道書繁稱鄙注曲繪髣髴遇之
- 一遷客騷人他鄉異縣此書列第五帙以示開拓鴻雪舊感雲樹新恩觸撥深矣
- 一腹地膏腴嚴疆牙錯此書列第六帙以示廣袤記里之鼓紀事之珠按冊卽得
- 一川粵衝煩演黔要害此書列第七帙以示控制大道丰昌下邑箇陋瞭如觀火
- 一邊陲告謐醜類相安此書列第八帙以示承平蠻觸爭衡豁峒伏莽貴燭幾先
- 一海天萬里屬邑千餘此書列第九帙以示聯絡鐵甲輪舟朝發夕達宜策萬全
- 一鄰藩星拱洲島雲羅此書列第十帙以示懷柔鯨吸東瀛狼吞南嶠關繫匪輕
- 一檠戟盪臨共球斯受此書列十一帙以示遠略裨闢縱橫大似戰國虛置良難
- 一斐亙一洲墨區兩界此書列十二帙以示無遺草昧浸開文明浹被會有昌期
- 一版圖式廓往代所無此書在前九帙詳載域中或采國初或采晚近廣昭戎索

- 一 坤輿全考粉飾太多此書述後三昧詳載域外或由中人或由西士迴非聖空
- 一 官書繁重備引殊艱此書甄錄要言慎爲去取若云割裂草茅隨陋竊有未安
- 一 行省新增建置殊夥此書原本本章奏詳爲標明續有更張聚聚未災悉予補註
- 一 雪窖冰天傳聞互舛此書折衷魏何正其謬妄容可兩存附識於下取備參稽
- 一 耶穌肇罕紀年詭異此書文獻遐徵並仍舊載波瀾設行簀鼓邪說則與旻旃
- 一 里居析姓氏振振此書蘊簡零縷都由撮拾間有脫略無從印證概付闕如
- 一 大集沈沈子目琅琅此書龍肉醴泉僅登一二間有增易所貴核實非敢離宗
- 一 烏有子虛寓言八九此書贅語未簡聊資考鏡亦助譚鋒拙著屬入附驥云爾
- 一 行程紀錄古籍紛拏此書祇蒐本朝漢魏以下迄於元明尙多著作易輯成書

小方壺齋輿地叢鈔第一帙目錄

南清河王錫祺壽堂甫輯

蓋地論

山陽丁萬寶校
鳳督銜鈔

地球總論

黟縣俞正學著
葡國瑪吉士著

地理說略

歸安吳鍾史著

地理淺說

美國林樂知著

地球誌略

五臺徐繼畲著

地球形勢說

甯波龔柴著

地理形勢考

甯波龔柴著

五洲方域考

甯波龔柴著

括地略

闕名

國地異名錄

香山林謙著

五大洲輿地戶口物產表

新甯縣其服著

輿地全覽

平江蔡方炳著

天下形勢考

金匱華湛恩著

輿地略

南海馮燦光輯

府州廳縣異名錄

吳縣管斯駿錄

中國方域考

甯波龔柴著

中國形勢考略

中國歷代都邑考

中國物產考略

輿覽

方輿紀要簡覽

滿洲考略

盛京考略

直隸考略

江蘇考略

安徽考略

江西考略

浙江考略

福建考略

湖北考略

湖南考略

河南考略

山東考略

山西考略

甯波龔 柴著

甯波龔 柴著

甯波龔 柴著

嘉興何 炳著

江甯潘 鐸輯

甯波龔 柴著

甯波龔 柴著

甯波龔 柴著

甯波龔 柴著

甯波龔 柴著

甯波龔 柴著

甯波龔 柴著

甯波龔 柴著

甯波龔 柴著

甯波龔 柴著

甯波龔 柴著

甯波龔 柴著

甯波龔 柴著

上海著島堂印行

陝西考略

甘肅考略

四川考略

廣東考略

廣西考略

雲南考略

貴州考略

驛站路程

輿地經緯度里表

松亭行紀

屬從東巡目錄

屬從東巡附錄

屬從西巡目錄

塞北小鈔

屬從紀程

迎○○駕紀○○恩

迎○○駕紀

迎○○駕紀○○恩錄

甯波龔 柴著

甯波龔 柴著

甯波龔 柴著

甯波龔 柴著

甯波龔 柴著

甯波龔 柴著

甯波龔 柴著

閩 名

長沙丁取忠著

錢塘高士奇著

錢塘高士奇著

錢塘高士奇著

錢塘高士奇著

錢塘高士奇著

錢塘高士奇著

蕪州楊 捷述

蕪州楊 捷述

新城王士正著

南巡歷從紀略

桐城張 英著

迎○○駕始末

長洲汪 琬著

隨○○變紀○○恩

長洲汪 琬著

扈從○○賜遊記

丹徒張玉書著

鳳臺祇謁筆記

甘泉董 恂著

永甯祇謁筆記

甘泉董 恂著

臺懷隨筆

青浦王 昶著

南巡名勝圖說

• 高 晉紀

開國龍興記

邵陽魏 源著

奉天形勢

鐵嶺張尚賢著

出巡紀程

滿洲恩 錫著

絕域紀略

桐城方拱乾著

甯古塔紀略

吳江吳振臣著

柳邊紀略

山陰楊 宸著

遊甯古塔記

關 名

庫葉附近諸島考

光澤何秋濤著

吉林勘界記

吳縣吳大澂著

龍沙紀略

桐城方式濟著

黑龍江外紀

滿洲西 清著

卜魁風土記

桐城方觀承著

卜魁紀略

吉林英 和著

雅克薩考

光澤何秋濤著

尼布楚考

光澤何秋濤著

艮維窩集考

光澤何秋濤著

東三省邊防議

闕 名

東北邊防論

上海姚文棟著

東陸道里形勢

山陰胡 傳著

計七十九種

蓋地論

黔縣俞正燮著

元史天文志云札馬魯丁造西域儀器厥資依阿勒資漢言地里志也其製以木爲圓球七分爲水色綠三分爲土地色白明史天文志亦云西洋人言地圓按地圓古蓋地說也同回西洋亦知之耳玉海引書緯帝驗期云西王母於大荒之國得蓋地圖纂舜德遠來貢之自皇甫謐改作益地圖學者遂不通究其義周髀算經云大象蓋笠地法覆架極下地高滂沱四隕而下則地本圓在天中素問五運行大論云地者形虛者精精形之動猶根本之與枝葉黃帝曰地之爲下否乎岐伯曰地爲人之下太虛之中者也帝曰鴻乎岐伯曰大氣舉之也風塞在下燥熱在上溼氣在中火遊行其間故燥勝則地乾暑勝則地熱風勝則地動溼勝則地泥寒勝則地裂火勝則地固月令正義引考靈曜云四表之內並星宿內總有三十八萬七千里天之中央上下正半之處十九萬三千五百里地在于中注云地厚三萬里下遊則地上畔與天中平上遊則地下畔與天中平是證地在太虛之中文子自然云樸至大者無形狀道至大者無度量故天圓不中規地方不中矩夫天誠圓中規始能運地則橈長事類賦注引姚信昕天論云兩地之說下地卽上地之機也天北行乎兩地之間耳書正義云渾天者地在中天周於外日月初登於天後入於地天繞地明矣則渾天亦同蓋說蓋說亦有不同易晉云明出地上明夷云明入地中大戴禮曾子天圓云如誠天圓而地方則是四角之不掩也嘗聞之夫子矣天道曰圓地道曰方呂氏春秋圜道云雲氣西行云云然冬夏不輟水泉東流日夜不休上不竭下不滿小爲大重爲輕圜道也水升雲而西週也俱謂地止一面其謂地四面者周髀算經云日運行處極北北方日中南方夜半日在極東東方日中西方夜半日在極南南方日中北方夜半日在極西西方日中東方夜半極北以極南準之此方夜半彼方日中樂文類聚引尸子云海水三歲一周流波相薄故地動水從地下西週周四面也山海經云天地之東

西二萬八千里南北二萬六千里廣雅亦云然禮正義引鄭注考靈曜云地厚蓋三萬里其疏率徑一圍
三地九萬里而周亦鄭義也周末積聚人聞見人蹟所到著於讖緯隋唐以前西域之言又與之應山海
經注引河圖玉版云從崑崙以北九萬里得龍伯國其人長三十丈崑崙以東得大秦國人長十丈從此
以東十萬里得佻人國長三丈五尺初學記十九河圖龍文云二丈五尺從此以東十萬里得中秦國人長一丈初學記引
河圖龍文云天之東西北極各有銅頭鐵額兵長三千萬丈又有金剛敢死力士長三千萬丈天中太平
之都有都甲食鬼鐵面兵長三千萬丈都甲食鬼鐵面兵即佛說之阿修羅佛謂之提月羅睺一切經音
義云羅睺計都此譯云障月明史李天經議云即正交中交行宿今俗遂以爲怪宿然語必循其本傳聞
之譌中必有不說者今西域阿諦國男長數丈女如中人鳴金攻之男子逃則略其婦女以歸長阿舍經
亦言修羅生女端正生男多醜則阿修羅女嫁天帝釋不足爲異而說其人高至天能提月與河圖言長
三千萬丈同一失實河圖言長人在東佛在西見之是交周矣佛書起世經云佛告諸比丘若闍浮洲日
正中時弗婆提洲音義云前鼻離體日則始沒瞿耶尼洲音義云多牛市一日則初出鬱單越洲音義云其地爲最高正當
夜半瞿耶尼洲日正中時此闍浮洲日則始沒鬱單越洲日則初出弗婆提洲正當夜半鬱單越洲日正
中時瞿耶尼洲日則始沒鬱單越洲日則始沒闍浮洲中日則初出瞿耶尼洲正當夜半佛告比丘若闍
浮洲所謂西方瞿耶尼洲以爲東方瞿耶尼洲所謂西方鬱單越洲以爲東方鬱單越洲所謂西方弗婆
提洲以爲東方弗婆提洲所謂西方此闍浮洲以爲東方南北亦然樓炭經大地成壤品云日繞須彌山
東方日出南方夜半西方日入北方日中如是右旋更爲晝夜是佛家古說依周髀謂地圓也佛本行集
經成無上道品云小鐵圍山並大鐵圍其間從來黑暗此之日月不能令彼處光明顯赫實著鐵圍之日
開元占經載梁武帝云四大海外有金剛山一名鐵圍山金剛山北又有黑山日月循山而轉周迴四面

一畫一夜圍繞環市於南則見在北則隱武帝既依佛作此說其臣又承制作注武帝嘗依蓋天難渾天
其以南北爲隱見金剛卽北極下蓋天義也畢憲達列入天體渾宗中自病其書矣初學記引河圖云
黃河出崑崙山東北角金剛山東則河源之崑崙虛亦曰金剛又大地之中亦曰崑崙卽佛說之須彌在
中國西北蓋天所謂天門在西北是也初學記引括地象云崑崙之山爲地首又云崑崙山爲柱氣上通
天崑崙者地之中也藝文類聚引龍魚河圖云崑崙天中柱也曲禮正義引河圖括地象云地中央曰崑
崙其東南萬五千里曰神州博物志引河圖云崑崙山應於天最居中中國在東南隅是西北崑崙並非
河源太平御覽河圖始開圖云崑崙之墟有五城十二樓藝文類聚河圖文略同博物志引括地象云崑
崙山神物之所生聖人仙人之所集也古經史天爲蓋天地爲蓋地史記大宛列傳云禹本紀言河出崑
崙其高二千五百餘里日月所相避隱爲光明也其上有醴泉瑤池淮南子地形訓亦云西至三危之國
石城金室飲氣之民不死之野佛亦言須彌爲天宮佛所謂天宮貴人也河圖有括地象爲古地里書比
之佛書無不合者河圖言東佛言西非圓周乎地平上天見其半越二百五十里而極差三百六十分天
之一天則仍見其半若地非圓更無說以通之此皆隋唐以前說札馬魯丁之製未可謂爲創獲西洋人
入中國用佛義而諱其名其儀器本之萬年回回俄羅斯當明時已西接西北海又儒略等職方
外紀坤輿圖說又侈陳冰海若所足履目驗者而竟不知有所謂俄羅斯至錢少詹大昕爲定地球圖說
強爲納入之然則地誠圓亦非五大洲卽五大洲亦必不如西洋人所說地之圓不圓與西洋人無涉乃
世人爲皇甫謐所愚以蓋地爲益地謂舜據此作十二州不知圖名益地在肇州之先則名義不通並唐
錢蓋地圖賦亦不能解而以地圓出西洋隱微之今學者又以地圓出西洋而漫非之無怪乎耶穌之徒
自以爲奇特也

地球總論

荷國瑪吉士著

夫地球原以土水二者爲本也土則分爲或山或谷或島或洲或至砢之磐石或至細之沙泥水則分爲或海或江或河或湖或莫測之淵潭或極淺之淵溪上下周圍天涯到處飛者飛潛者潛動者動植者植而人類不離於其面也古者之探訪地球也些須無幾以所尋得之地分爲三洲一名亞細亞一名歐羅巴一名亞非里加三者之中並無備悉惟知一二迄耶穌一千四百九十二年即明孝宗敬帝宏治五年也尋出新域之後諸著地理志者得增一洲而名之曰亞美里加嗣後各駕舟者歷時尋出亞細亞與亞美里加中間之大海海島眾多或聚或散紛紛不一因此凡新著地理志之人皆以一切歸爲一洲命之曰阿塞亞尼亞是以近者地球分爲五大洲也一亞細亞二歐羅巴三亞非里加四亞美里加五阿塞亞尼亞又諸著地理者既知地球圈綫週圍共九萬里復以所得古今各處屢計三推度量地面週圍約有積方二垓五京七兆九億六萬里五大洲內所尋之地所訪之島所遊至近之區處所徹極遠之邦土各方共計地則約有六京八兆八億二萬五千里水則約有一垓八京九兆一億三萬五千里水陸二面兩相比較地則一分水則三分至於人麗雖議論紛繁各不相符然諸著地理書者既存心細意推極窮究各國版籍皆揣摩云其數上下約有九垓四京五兆若每洲分論亞細亞則二垓二京七兆七億口歐羅巴則五垓九京七兆三億口亞非里加則六京口亞美里加則三京九兆口阿塞亞尼亞則二京一兆口焉千億之眾分爲五種或白或紫或黃或青或黑有五色之分其白者乃亞細亞一洲歐羅巴東西二方亞非里加東北二方亞美里加北方之人顏色純白面貌卵形而俊秀頭髮直舒而且柔乃其人之態度也其紫者乃亞非里加北方亞細亞南方除天然及亞細亞所屬數海島不同外其餘之人顏色黑紫鼻扁口大髮黑而且鬚乃其人之態度也其黃者乃印度一國亞細亞南方亞美里加南方之人顏色淡黃鼻扁目突髮

黑而且硬乃其人之態度也其青者乃亞美里加大半之人顏色青綠而貌毛髮與黃者頗為相等也其黑者乃亞非里加本地諸人顏色烏黦容凸額高口大脣厚髮黑而且鬚又如羊毫鼻扁而且大類似獅準乃其人之態度也但其地亦有白色之人住居東北二方其人俱係亞細亞歐羅巴二處曩時遷移棲遲於彼地者也又亞細亞南方及其各海島亦有黑人而形容體態與亞非里加之黑人迥殊焉又天下萬國之人有下中上三等之分夫下者則字莫識書莫誦筆墨學問全弗透達所習所務止有漁獵而已矣原此等人并無常居惟遊各處隨畜牧也夫中者則既習文字復定法制遂出於下等始立國家而其見聞仍為淺陋更無次序也夫上者則攻習學問培養其才操練六藝加利其用修道立德義理以成經典法度靡不以序河清海晏之時則交接邦國禮義相待軍興旁午之際則捍禦仇敵保護身家焉按以上五洲萬國人之文詞而論約有八百六十樣之分也歐羅巴則有五十三其至通用者共一十有七一大西洋一大呂宋一意大里亞一佛蘭西以上四者乃羅馬國辣丁語所分派者也一亞里曼一賀蘭一弗拉萌芽一大尼一瑞典一那華以上六者乃古調多尼加語所分派者也一英吉利其語乃辣丁調多尼加二國所相並者也一厄羅斯一烘哥里亞一伯羅尼亞一不威迷亞以上四者乃古斯加拉窩尼亞語所分派者也一厄肋西亞其語乃古厄肋西亞國所留傳者也一回回其語乃回鶻又名回黑國所留傳者也亞細亞則有一百五十三其至通用者共一十有五一回回一亞拉畢亞_{即天方也}一伯爾西亞一回黑一中華一滿洲一蒙古一日本一高麗一琉球一暹邏一越南一阿瓦一印度一西藏等語亞非里加則有一百一十五其至通用者共五一伯爾卑勒一壹的疳鼻亞一你幾里西亞一哥布達一桑真等語其天方話亦通行於此洲之北方亞美里加則有四百二十二其至通用者除土話外多係別洲之語一英吉利一大呂宋一大西洋一佛蘭西一賀蘭一低納馬爾加一瑞西亞等語阿塞亞尼亞則有一百一